

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. IV. Quòd multa bona præstantur, deuotè communicantibus.

[urn:nbn:de:hbz:466:1-45760](#)

CAP. III.

Quod multa bona præstantur, deuotè
communicantibus.

VOX DISCIPVLI.

Pſ. 20. **D**OMINE Deus meus, præueni
seruum tuum in benedictioni-
bus dulcedinis tue, ut ad tuum magni-
ficum Sacramentum, dignè ac deuotè
merear accedere. Excita cor meum in
Pſ. 105. te, & à graui torpore exue me. Visita
me in salutari tuo, ad gustandum in
spiritu suavitatem tuam, quæ in hoc
Sacramento tamquam in fonte, ple-
nariè latet. Illumina quoque oculos
meos, ad intuendum tantum mysteri-
um: & ad credendum illud indu-
bitata fide, me robora. Est enim
operatio tua, non humana potentia:
tua sacra institutio, non hominis ad-
inuentio. Non enim ad hæc capien-
da & intelligenda aliquis idoneus per
se reperitur, quæ angelicam etiam
subtilitatem transcendunt. Quid er-
go ego peccator indignus, terra &
cinis, de tam alto sacro secreto,
potero

potero inuestigare & capere?

2 Domine, in simplicitate cordis mei, in bona firma fide, & in tua iuf-
fione, ad te cum spe ac reuerentia ac-
cedo: & verè credo, quia tu præsens
es híc in Sacramento, Deus & homo.
Vis ergo, vt te suscipiam, & meipsum
tibi in charitate vniam. Vnde tuam
precor clementiam, & specialem ad
hoc imploro mihi donari gratiam; vt
totus in te liquefiam & amore peref-
fluam, atque de nulla aliena consola-
tione amplius me intromittam. Est e-
nīm hoc altissimum & dignissimum
Sacramentum, salus animæ & corpo-
ris, medicina omnis spiritualis lan-
guoris: in quo vitia mea curantur, pas-
siones frenantur, tentationes vincun-
tur aut minuuntur: gratia maior in-
funditur, virtus incepta augetur, fir-
matur fides, spes roboratur, & chari-
tas ignescit ac dilatatur.

3 Multa namque bona largitus
es, & adhuc sæpius largiris in Sacra-
mento, dilectis tuis deuotè commu-
nicantibus, Deus meus, susceptor ani-
mæ meæ, reparator infirmitatis hu-
manæ, & totius dator consolationis

M 3 internæ.

internæ. Nam multam ipsis consolationem, aduersus variam tribulacionem infundis, & de imo deiectionis propriæ ad spem tuæ protectionis erigis, atque noua quadam gratia eos intus recreas, & illustras: ut qui anxij primùm & sine affectione, se ante Communionem senserant: poste à refecti cibo potuque cælesti, in melius se mutatos inueniant. Quod idcircò cum electis tuis dispensanter agis, vt veraciter agnoscant, & patenter experiantur, quantum infirmitatis ex se ipsis habeant, & quid bonitatis ac gratiæ, ex te consequantur. Quia ex semetipsis frigidi, duri, & indeuoti: ex te autem feruentes, alacres, & deuoti esse merentur. Quis enim ad fontem suavitatis humiliter accedens, non modicum suavitatis inde reportat? Aut quis iuxta copiosum ignem stans, non parum caloris inde percipit? Et
I. a. 12. tu fons es semper plenus & superab-
L. enit. 6. undans, ignis iugiter ardens & num-
 quam deficiens.

4 Vnde si mihi non licet haurire de plenitudine fontis, nec usque ad satietatem potare, apponam tamen os meum

meum ad foramen cælestis fistulæ : vt
saltem modicam inde guttulam ca-
piam , ad refocillandam sitim meam,
& non penitus exarescam. Et si nec-
dum totus cælestis & tam ignitus , vt
Cherubim & Seraphim esse possum:
conabor tamen deuotioni insistere, &
cor meum præparare , vt vel modi-
cam diuini incendij flamمام , ex hu-
mili sumptione viuifici Sacramenti
conquiram. Quidquid autem mihi
deest Iesu bone , Saluator sanctissime,
tu pro me supple benignè ac gratiosè,
qui omnes ad te dignatus es voca-
re , dicens : Venite ad me omnes , qui
laboratis & onerati estis , & ego refi-
ciam vos.

Mat. 11

¶ Ego quidem labore in sudore Gen. 3:
vultus mei , dolore cordis torqueor,
peccatis oneror, temptationibus inquiet-
tor, multis malis passionibus implicor
& premor: & non est qui adiuuet, non
est qui liberet, & saluum faciat, nisi tu
Domine Deus saluator meus : cui
committo me & omnia mea , vt me
eustodias , & perducas in vitam æter-
nam. Suscipe me in laudem & glo-
riam nominis tui , qui Corpus tuum

M. 4 & San-

& Sanguinem, in cibum & potum mihi parasti. Præsta Domine Deus salutaris meus, ut cum frequentatione mysterij tui, crescat meæ deuotio-
nis affectus.

CAP. V.

*De dignitate Sacramenti, & statu
sacerdotali.*

VOX DILECTI.

Mat. 18. 1. Si haberet angelicam puritatem,
& sancti Ioannis Baptistæ sanctitatē: non essem dignus, hoc Sacramen-
tū accipere, nec tractare. Non enim
hoc meritis debetur hominum, quod
homo consecret & tractet Christi Sa-
Ps. 77. cramentum, & sumat in cibum pa-
nem Angelorum. Grande misterium,
& magna dignitas Sacerdotum: qui-
bus datum est, quod Angelis non est
concessum. Soli namque Sacerdo-
tes ritè in Ecclesia ordinati, pote-
statem habent celebrandi, & Corpus
Christi consecrandi. Sacerdos qui-
dem minister est Dei, uter verbo Dei;
per iussionem & institutionem Dei:

Deus